

藏書

李
贇著

藏書

第四冊

中
華
書
局

藏書武臣傳卷五十

大將

李靖

李靖。字藥師。三原人。資貌魁秀。靖舅韓擒虎與論兵。歎曰。可與語。孫吳者。非斯人尙誰哉。仕隋爲殿內直左僕射。楊素拊其牀。謂曰。卿終當坐此。大業末。爲馬邑丞。高祖擊突厥。靖察有非常。自囚上急變。傳送江都。至長安道梗。高祖已定京師。將斬之。靖呼曰。公起兵爲天下除暴亂。欲就大事。以私怨殺誼士乎。秦王亦爲請得釋。從平王世充。以功授開府。蕭銑據江陵。靖陳圖。銑十策。有詔拜靖行軍總管。兼攝孝恭行軍長史。武德四年。大閱兵夔州。時秋潦濤瀨漲惡。諸將請江平乃進。靖曰。兵事以速爲神。今士始集。銑不及知。若乘水傅壘。是震雷不及塞耳。此必禽也。孝恭從之。帥戰艦二千餘艘。東下。拔其荊門。宜都。進至夷陵。初。蕭銑罷兵營農。纔留宿衛數千人。聞唐兵至。大懼。倉猝徵兵。皆在江嶺之外。道塗阻遠。不能據集。乃悉見兵出拒戰。孝恭將擊之。李靖止之曰。彼救敗之師。策非素立。勢不能久。不若且駐南岸。緩之一日。彼必分其兵。或留拒我。或歸自守。兵分勢弱。我乘其懈而擊之。蔑不勝矣。今若急之。彼則併力死戰。楚兵懷銳。未易當也。孝恭不從。留靖守營。自帥銳師出戰。果敗走。趣南岸。銑衆委舟。收掠軍資。人皆負重。靖見其衆亂。縱兵奮擊。大破之。乘勝直抵江陵。入其外郭。又攻水城。拔之大獲舟艦。李靖使孝恭盡散之江中。諸將皆曰。破敵所獲。當藉其用。奈何棄以資敵。靖曰。蕭銑之地。南出嶺表。東距洞庭。吾懸軍深入。若攻城未拔。援兵四集。吾表裏受敵。進退不獲。雖有舟楫。將安用之。今棄舟艦。使塞江而下。援兵見之。必謂

江陵已破。未敢輕進。往來覘伺。動淹旬月。吾取之必矣。銑援兵見舟艦。果疑不進。銑內外阻絕。乃下令開門出降。孝恭入據其城。諸將言。梁氏將帥。與官軍拒鬪死者。請藉沒其家。以賞將士。李靖曰。王者之師。宜使義聲先路。彼爲其主鬪死。豈可同叛逆之科。藉其家乎。於是城中安堵。南方州郡聞之。皆望風款附。銑降數日。援兵至者十餘萬。聞江陵不守。皆釋甲而降。靖以功。封永康縣公。檢校荊州刺史。乃度嶺至桂州。分道招慰。南方悉定。得郡凡九十六。戶六十餘萬。輔公祐據丹陽反。詔孝恭爲帥。以靖副。孝恭東討。李世勣等七總管皆受節度。公祐遣馮惠亮以舟師三萬屯當塗。陳正通步騎二萬屯青林。自梁山連鎮。以斷江道。築却月城。延袤十餘里。爲犄角。又結壘江西。以拒官軍。孝恭與李靖帥舟師次舒州。李世勣帥步卒一萬度淮。拔壽陽。次破石。惠亮等堅壁不戰。孝恭集諸將議軍事。皆曰。惠亮擁強兵。據水陸之險。攻之不可猝拔。不如直指丹陽。掩其巢穴。丹陽旣潰。惠亮等自降矣。靖曰。不然。公祐精兵。雖在此水陸二軍。然公祐所自將。亦銳卒也。今博望諸柵。尙不能拔。公祐保據石頭。豈易破哉。進攻丹陽。旬月不下。惠亮等躡吾後。腹背蒙患。非百全計。且惠亮正通。百戰餘賊。非怯野鬪。今方持重。特公祐立計。欲以老我師爾。若出不意。挑攻其城。必破之。孝恭聽之。使羸兵先攻賊壘。而勒精兵結陳以待。攻壘者果不勝。走賊出兵。追行數里。遇大軍。與戰。大破之。靖率軍水陸皆進。殺傷萬餘人。惠亮等亡去。靖將輕兵至丹陽。公祐懼。出走。禽之。江南平。太宗踐祚。授刑部尙書。錄功。賜實封四百戶。兼檢校中書令。突厥部將離叛。靖以兵部尙書爲定襄道行軍總管。率勁騎三千。繇馬邑趨惡陽嶺。頡利可汗大驚曰。兵不傾國來。靖敢提孤軍至此。於是帳部大恐。靖縱謀者離其腹心。夜襲定襄破之。頡利走保鐵山。遣使者謝罪。請舉國內附。詔以靖爲定襄道總管。往迎之。又遣鴻臚卿唐儉。將軍安修仁慰撫。頡利外爲卑辭。內實猶豫。欲候草青馬肥。亡入漠北。靖引兵與李世勣會白道。謀曰。頡利雖敗。其衆猶盛。若走度磧北。保依九姓。道阻且遠。追之難及。乃謂副將張公謹曰。詔使到虜。必自安。若萬騎齎二十日糧。自白道襲之。必得所欲。遂督兵疾進。行遇候邏。皆俘以從。遣前鋒二百騎。乘霧而行。去其牙。

七里乃覺。頡利乘千里馬先走。遂禽其子墨羅施。而殺義成公主。頡利亦爲大同道行軍總管張寶相所禽。於是斥地自陰山北至大漠。因大赦天下。賜民五日。舖封靖衛國公。靖薨年七十九。太平廣記云。李靖於旅中。遇一虬鬚客。客問太原有異人。可一見否。靖曰。靖之友文靜與之狎。可見也。遂與俱入太原。虬鬚既見太宗。謂靖曰。真天子也。但須與道兄見之。某日請復會於汾陽橋。至是。道士虬鬚客皆在。文靜飛書迎文皇看某。文皇至。道士一見。慘然罷奕。請去。出謂虬鬚客曰。此世界非公世界。他方可圖也。言訖。吁嗟而去。貞觀中。靖位僕射。南蠻奏有海賊十萬入扶餘國。殺其主自立。國已定。靖曰。虬鬚客成功也。

裴行儉 恩生

裴行儉。字守約。絳州聞喜人也。行儉以父蔭補弘文生。歷貞觀上元間。至洮州道二軍總管。儀鳳二年。十姓可汗阿史那都支及李遮旬。誘蕃落以動安西。與吐蕃連和。朝廷欲討之。行儉議曰。吐蕃叛渙方熾。敬元失律。審禮喪元。安可更爲西方生事。今波斯王死。其子泥涅師質京師。有如遣使立之。卽路出二蕃。若權以制事。可不勞而成也。帝因詔行儉。冊送波斯王。且爲安撫大食使。徑莫賀延磧。風礮晝冥。導者迷路。將士不勝饑渴。行儉因止營。致祭。下令曰。水泉非遠。衆乃少安。俄而雲徹風恬。行數百步。果得善水草。後來者遂莫識其處。至西州。諸蕃郊迎。行儉乃召其豪長千餘人自隨。因揚言曰。天時大熱。宜且駐軍。須秋乃發。時都支規知之。行儉徐召四鎮酋長。僞謂約敗。吾念此樂。未始忘也。孰能從吾獵乎。於是子弟踴躍願從者萬餘人。行儉遂陰勒部伍。倍道而進。去都支帳十餘里。先遣所親往問都支安否。仍復使人趨召都支。都支本與遮旬計。及秋拒使者。卒聞軍至。不知所出。乃率其子弟五百餘人來謁。遂禽之。是日也。行儉令傳契箭。召諸部豪長。悉來請命。仍簡精騎。約齋襲遮旬。會獲遮旬使者釋之。俾前往諭其主。并言都支已禽。狀是遮旬亦降。悉俘至京師。果不勞而定。如行儉所議。調露元年。

突厥阿史德溫傳反。單于管二十四州叛應之。衆數十萬。都護蕭嗣業戰死。詔行儉爲定襄道行軍大總管討之。先是嗣業餽糧。數爲虜鈔。行儉曰。以謀制敵可也。因詐爲糧車三百乘。車伏壯士五輩。齎陌刀勁弩。以贏兵挽進。又伏精兵踵其後。虜果掠車。贏兵走險。賊驅就水草。解鞍牧馬。方取糧車中。而壯士突出。伏兵至。殺獲幾盡。自是糧車無敢近者。大軍次單于北。暮已立營。塹壕既周。行儉更命徒營高岡。更白土皆安堵。不可動不聽。促徒之比夜風雨暴至。前占營所水深丈餘。衆莫不駭歎。因問何以知之。行儉曰。自今第如我節制。毋問我所以知也。賊拒黑山。數戰皆敗。行儉縱兵前後殺虜。不可勝計。遂禽大首領。奉職而還。行儉既還。阿史那伏念復與溫傳合。明年行儉總諸軍屯陁口。縱反間說伏念。令與溫傳相貳。伏念大懼。密送款。請縛溫傳以自効。行儉祕之。密以事聞。後數日。望見烟塵漲天而南。斥候皆惶駭。行儉曰。此伏念執溫傳來降。非他也。且受降如受敵。乃敕嚴備。遣單使往勞。旣而果然。於是突厥餘黨悉平。行儉工草隸。帝嘗以絹素詔寫文選覽之。行儉每曰。褚遂良非精筆。佳墨未嘗輒書。不擇筆墨而妍捷者。予與虞世南耳。通陰陽曆術。每制敵摧兇。必先期勝。日。尤有人倫之鑒。自掌選及爲大總管。凡遇賢俊。無不甄採。所引偏裨。若程務挺。王方翼。郭待封。李多祚。黑齒常皆爲世名將。時有後進楊炯。盧照鄰。駱賓王。並以文章見稱。吏部侍郎李敬玄。盛爲延譽。引以示行儉。行儉曰。才名有之。爵祿蓋寡。楊應至令長。餘並辭令終。時蘇味道。王劇。未知名。因調選。行儉一見。深禮異之。仍謂之曰。有晚年子息。恨不見其成長。二公十數年。當居衡石。願記識此輩。其後相繼爲吏部。皆如其言。行儉有瑪瑙盤。廣二尺。文彩燦然。軍吏趨跌碎之。惶怖叩頭流血請罪。行儉笑曰。爾非故也。幸勿言。所賜都支資產。金三千餘物。囊駝馬牛。稱是。行儉分給親故。麾下輒盡。卒年六十四。

郭震

郭震字元振魏州貴鄉人也。以字顯。少有大志。爲太學生。家送資錢四十萬。會有縷服叩門。自言五世未葬者。元振舉與之。不質其名。字。年十八。舉進士。爲通泉尉。任俠使氣。嘗盜鑄。及掠賣部中口千餘。以餉遺賓客。百姓苦之。武后召欲詰問。既與語。更奇之。聖母因索平日所爲文。元振上寶劍篇。后覽之。嘉歎。詔示學士李嶠等。卽授右武衛鎧曹參軍。進奉宸監丞。會吐蕃乞和。其大將論欽陵請罷四鎮兵。披十姓之地。乃以元振充使。因覘虜情。還上疏曰。利或生害。害亦生利。國家所患。唯吐蕃與默啜。今皆和附。是大利中國也。然圖之不審。害且隨之。夫患在外者。十姓四鎮是也。患在內者。甘涼瓜肅是也。關隴屯戍。向三十年。力用困竭。脫甘涼有警。豈堪廣調發耶。善爲國者。必料內以敵外。不貪外以害內。然後安平可保。欽陵以四鎮近己。畏我侵掠。此吐蕃之要。然青海吐渾密邇。鄰易爲我患。亦國家之要。今宜報欽陵曰。四鎮本拒諸蕃走集。以分其力。使不得併兵東侵。今委之。則蕃力益強。易以擾動。保後無東意。當以吐渾諸部。青海故地歸於我。則俟斤部落還吐蕃矣。此足杜欽陵口。而和議未絕。且四鎮久附。其倚國之心。非吐蕃比。一旦分裂。必傷其意。又言吐蕃倦於徭戍。咸願解和。以欽陵欲裂四鎮。專制其國。故未歸款耳。誠能藏發和親之使。使欽陵常拒不從。則其下必怨之。斯亦離間之漸也。后然其計。後數年。吐蕃君臣果相猜。携卒誅欽陵。而其弟贊婆等。遂來降矣。久之。突厥吐蕃聯兵寇涼州。拜元振爲涼州都督。初州境輪廣纔四百里。虜來必傳城下。元振始於南陝口置和戎城。北磧置白亭軍。制東要路。遂拓境千五百里。自是州無虜憂。屯田廣關。匹織易粟數十斛。支庠十年。牛羊被野。治涼五歲。夷夏畏慕。河西諸郡。置生祠。揭碣頌德焉。神龍中。遷左驍衛將軍。安西大都護。西突厥酋烏質勒部落盛強。款塞願和。元振卽其牙帳。與之計事。會天雨雪。元振立不動。至夕凍冽。烏質勒已老。數拜伏。不勝寒凍。會罷卽死。其子婆葛以元振計殺其父。謀勒兵來襲。副使解琬勸元振夜遁。元振不聽。堅臥營中。明日素服往弔。道逢婆葛兵。婆葛不意元振自來。乃託言奉迎。震遂至其帳。修弔贈禮。哭之甚哀。留數十日。爲助喪事。婆葛感悅。更遣使獻馬五千。駝二百。牛羊十餘萬。制詔元振爲金山道行。

軍大總管。睿宗立。召爲太僕卿。將行。安西酋長有鬱面哭送者。旌節下玉門關。去涼州猶八百里。城中爭具盞漿。護迎。都督嗟嘆以聞。先天元年。爲朔方軍大總管。始築定遠城。以爲行軍計集之所。至今賴之。明年。以兵部尚書。復同中書門下三品。玄宗誅太平公主也。睿宗御承天門。諸宰相走伏外省。獨元振總兵扈帝。進封代國公。俄又兼御史大夫。復爲朔方大總管。以備突厥。未行而罷。卒年五十八。國初以來。仕至宰相。而親具者。唯元振也。

張仁愿 唐休璟

張仁愿。下邳人。神龍中。進左屯衛大將軍。兼檢校洛州長史。先是。賈敦頤嘗爲長史。有政績。時人爲之語曰。洛有前賈後張。敵京兆三王。三年。朔方軍總管沙叱忠義爲突厥所敗。詔仁愿攝御史大夫代之。既至。賊已去。引兵衝擊。夜掩其營破之。始朔方軍與突厥以河爲界。比厓有拂雲祠。突厥每犯邊。必先謁祠禱解。然後料兵渡而南。時默啜悉兵西擊突騎施。仁愿請乘虛取漠南地。於河北築三受降城。絕虜南寇路。唐休璟以爲兩漢以來。皆北守河。今築城虜腹中。終爲所有。仁愿固請。中宗從之。表留歲滿兵以助功。咸陽兵二百人逃歸。仁愿禽之。盡斬城下。軍中股慄。役者盡力。六旬而三城就。以拂雲爲中城。南直朔方。西城南直靈武。東城南直榆林。其北皆大磧也。斥地三百里而遠。又於牛頭朝那山北。置烽候千三百所。自是突厥不敢踰山牧馬。朔方益無寇。歲減鎮兵數萬。費億計。初建三城也。不置雍門。却敵戰格。或曰。邊城無守備可乎。仁愿曰。兵貴攻取。賤退守。寇至當併力出拒。敢回。望城者斬。何事守備。退忤其心哉。亦一見後常元楷代爲總管。始築雍門。議者益重仁愿。而輕元楷云。開元二年。卒。仁愿爲將。號令嚴。將吏信服。按邊無師。賞罰必直功罪。後人思之。爲立祠受降城。出師輒享焉。宰相文武兼者。當時稱李靖。郭元振。唐休璟及仁愿焉。休璟嘗爲安東都護。以儒者號知兵。自碣石踰四鎮。其間綿地幾萬里。山川夷阻。障塞之要。皆能言之。故行師料敵。未嘗敗。惟張仁愿議築受降城。而休璟獨謂不可。卒就之。而漠南無

虜患。

王忠嗣

附哥舒翰

王忠嗣。華州鄜人。父海濱。與吐蕃戰沒。忠嗣時年九歲。始名訓。入見玄宗。伏地號泣。帝撫之曰。此去病孤也。須壯而將之。更賜今名。養禁中。肅宗爲忠王。與之遊。天寶元年。爲河東節度。忠嗣本負勇敢。爲將。乃能持重。不生事。嘗曰。平世爲將。撫衆而已。吾不欲竭中國力。以幸功名。故訓練士馬。隨闕善補。有漆弓百五十斤。每發之。示無所用。軍中士氣盛。日夜思戰。忠嗣縱詭間。伺虜隙。時出奇兵襲敵。克之。軍每出。召屬長付以兵。使授士卒。雖一弓一矢。亦誌姓名其上。軍還。遺弦亡鏃。皆按名第罪。以是部下人人自勸。器甲充牣。自朔方至雲中。袤數千里。據要險。築城堡。斥地甚遠。自張仁愿後。四十餘年。忠嗣繼其功。俄爲河西隴右節度使。權朔方河東節度。佩四將印。勁兵重地。控制萬里。近世未有也。後數出戰。青海積石。虜輒奔破。又討吐國。渾於墨離。平其國。帝方事石堡地。詔問攻取計。忠嗣奏言。吐蕃舉國守之。若頓兵堅城下。費士數萬。然後可圖。恐所得不讐所失。請厲兵馬。待豐取之。帝意不快。而李林甫尤忌其功。日鉤撫過咎。會董延光建言。請下石堡。詔忠嗣分兵應接。忠嗣不得已。爲出軍。而士無賞格。延光不悅。河西兵馬使李光弼入說曰。大夫愛惜士卒。有拒延光心。然大夫已付萬衆。而不立重賞。何以賈士勇。且大夫惜數萬段。賜以啓讒口。有不如不捷。歸罪大夫。大夫先受禍矣。忠嗣曰。吾固審得一城。不足制敵。失之未害於國。吾忍以數萬人命。易一官哉。明日見責。不失一金。吾羽林將軍。歸宿衛。不者。黔中上佐耳。光弼謝曰。大夫乃行古人事。光弼又何言。趨而出。延光過期不克。果訴忠嗣沮兵。又安祿山城雄武。扼飛狐塞。謀爲亂。請忠嗣助役。因欲留其兵。忠嗣先期至。不見祿山。而還。數上言祿山且亂。林甫益惡之。陰使人誣告忠嗣。嘗養宮中。云吾欲奉太子。帝怒。召入。付三司訊。驗罪。應死。哥舒翰方有寵。白上。請以官爵贖忠嗣罪。生死之。帝意乃解。貶漢陽太守。

久之徙漢東郡。卒年四十五。後翰引兵攻石堡。拔之。死亡略盡。卒如忠嗣言。初至朔方。至互市。輒高價馬。值故諸蕃爭來市。而蕃馬少。及鎮河隴。又請徙朔方河東九千騎以實軍。迄天寶末。益以滋息。

哥舒翰。其先蓋突騎施酋長哥舒郡之裔也。家富於財。任俠縱橫。年四十餘。不爲長安尉所禮。慨然發憤。游河西事。節度使王忠嗣。忠嗣使擊吐蕃。吐蕃枝其軍爲三行。從山差池而下。翰持半段槍迎擊之。所向披靡。於是名蓋軍中。擢副隴右節度。爲河源軍使。先是吐蕃歲候積石麥熟來取。衆莫能禁。翰先設伏於東南谷。候吐蕃入塞。放馬橛甲。將就田。卽自城中馳至。鏖戰。虜駭走。伏起悉殺之。隻馬無還者。翰又嘗逐虜馬驚而陷。吐蕃三將直來刺翰。翰大呼。三將擁矛不敢動。救兵至。追殺之。翰有奴曰左車。年十六。以膂力聞。翰工用槍。每追及賊。擬槍於肩。叱之。賊反顧。輒刺其喉。剔而騰之。高五尺許。乃墮左車。卽下馬斬其首以爲常。會忠嗣被罪。帝召翰入朝。衆請資金帛以救忠嗣。翰惟資襍裝自隨。曰。使吾計若行。奚取於是。不行。用此足矣。翰至。卽極言忠嗣之枉。帝起入禁中。翰叩頭從帝。且訴且泣。帝寤爲未貸其罪。忠嗣不及誅。故朝廷嘉其義。踰年。築神威軍青海上。吐蕃攻破之。更築於龍駒島。有白龍見。因號應龍城。翰相其川原宜畜牧。謫罪人二千戍之。由是吐蕃不敢近青海。翰又以朔方河東郡收兵十萬。攻破吐蕃石堡。遂以赤嶺爲西塞。開屯田。備軍實。詔加特進。久之。進封涼國公。兼河西節度使。攻破吐蕃洪濟。大莫門等城。收黃河九曲。以其地置洮陽郡。築神策。苑秀二軍。進封西平郡王。賜音樂田園。楊國忠惡祿山。白發其反狀。深厚結翰。翰時年老。嗜酒及色。多風痺不仁。既病廢還京。闔門不朝請。祿山反。帝召翰入見。拜先鋒兵馬元帥。將兵二十萬守潼關。翰病痼。不能事事。悉以軍政委部將田良丘。使部將王思禮主騎。李承光主步。明年安慶緒攻關。翰擊走之。或說翰曰。祿山本以誅國忠故稱兵。今若留卒三萬守關。悉精銳度澶水。誅君側之惡。此漢挫七國計也。思禮亦勸翰。翰猶豫未發。謀頗露。國忠大駭。會賊將崔乾祐守陝郡。仆旗鼓羸師。欲以誘戰。覘者曰。賊無備。可圖也。帝信之。趣翰進討。翰以祿山習用兵。今始爲逆。不能無備。是欲誘我也。且賊遠來。利

速戰。但堅守。毋輕出。以待四方勤王之兵。上計也。是時祿山雖盜河洛。所過殘賊。人皆怨之。既淹時。不能進尺寸之地。郭子儀。李光弼。又進兵。取常山十數郡矣。祿山始悔。將還幽州。以自固。而國忠計迫。說帝趨輸出關。復陝洛。子儀。光弼。相與計曰。輸病且耄。賊素知之。諸軍烏合。不足與戰。今賊悉銳兵南破宛洛。而以餘衆守幽州。吾直擣之。覆其巢窟。質叛族以招逆徒。祿山之首可致也。若西出潼關。變生京師。天下殆矣。乃極言。輸宜固關。慎無出軍。而帝入國忠之言。使使者日趨戰。好皇帝。輸窘不知所出。當思周亞夫。乃引而東。遂大敗。火拔歸仁。執輸降賊。械送洛陽。京師震動。天子西走。

李光弼

夷契丹種

李光弼。營州柳城人也。父楷洛。本契丹酋長。則天時入朝官之。光弼嚴毅沈果。有大略。補河西王忠嗣府兵馬使。忠嗣遇之甚厚。祿山之亂。玄宗嘗求良將。以問子儀。子儀薦光弼。詔攝御史大夫。持節河東節度副大使。光弼以朔方兵五千。出土門東救常山。次真定。常山圍結子弟。執賊將安思義降。光弼得思義不殺。常山自顧杲卿死後。郡爲賊區。露檣蔽野。光弼辭而哭之。爲賊幽閉者出之。而厚恤其家。民心大悅。時賊將史思明。李立節。蔡希德。共攻饒陽。光弼問計於思義。思義答曰。今軍行疲勞。宜且按軍入守。料勝而出。虜兵焱銳。非能持重者也。光弼曰。善。明日思明兵二萬傳堞。光弼兵不得出。乃以勁弩五百射之。賊退。徙陣稍北。光弼出其南。夾漳沱而軍。是日。饒陽賊五千至九門。光弼諜知之。提輕兵。斂旗鼓。伺賊方飯。襲殺之。且盡。會郭子儀收雲中。詔悉衆出井陘。與光弼合擊賊九門西。思明遂大敗。挺身走趙郡。而立節中流矢死。希德走鉅鹿。詔加光弼范陽節度使。光弼急攻趙。一日拔之。又與子儀合擊思明於嘉山。大破之。光弼以范陽本賊巢窟。當先取。會潼關失守。乃拔軍入井陘。肅宗即位。詔以兵赴靈武。光弼以景城河間兵五千入太原。時節度王承業軍政不修。詔御史崔衆至河東。交兵於光弼。衆

侮易承業。往玩譁之。至交兵。衆以麾下。光弼出迎。旌旗相接而不避。光弼怒其無禮。又不卽交兵。乃令收繫衆。頃之中使至。除衆御史中丞。光弼曰。衆有罪繫之矣。中使出勅以示光弼。光弼曰。今只斬侍御史。若宣制命。卽斬中丞。若拜宰相。亦斬宰相。中使懼。不敢宣敕而還。翌日以兵仗圍衆。至碑堂下。斬之。至德二載。思明希德率高秀巖。牛廷珍之兵十餘萬。攻光弼。時銳兵悉赴朔方。而麾下卒與圍練烏合之衆。不滿二萬人。思明以爲太原指掌可取。當遂長驅取朔方河隴矣。太原諸將皆懼。議修城以備賊。光弼曰。太原城周四十里。賊垂至而與役。是未見敵。先自困也。乃帥士卒及民於城外鑿濠以自固。作塹數十萬。衆莫知所用。及賊攻城於外。光弼用之。增壘於內。壞輒補之。思明圍太原。月餘不能下。光弼募善工穿地道。賊寔城下。令倡優居臺上。仰而侮詈。光弼遣人從地道中曳其足而入。臨城斬之。自是賊行皆視地。賊爲梯衝。土山以攻城。光弼爲地道以迎之。近城輒陷。賊初逼城急。光弼乃撤民屋爲攔石車。車二百人挽之。作大礮。飛巨石一發輒斃二十餘人。賊死者什二三。乃退營於數十步外。圍守益固。光弼遣人詐與賊約。刻日出降。而使潛穿地道爲溝。周賊營中。楛之以木。至期。光弼勒軍城上。遣裨將將數千人以出。如欲降者。賊皆屬目。而賊營忽陷。死者甚衆。賊將驚亂。因鼓譟乘之。俘斬萬計。會安祿山死。慶緒使思明歸守范陽。留蔡希德等圍太原。光弼出敢死士搏賊。斬首七萬級。希德委資糧遁走。太原圍乃解。後史思明因殺安慶緒。卽僞位。復縱兵河南。乃加光弼太尉。兼中書令。代郭子儀爲朔方節度兵馬副元帥。以東師委之。左廂兵馬使張用濟承子儀之寬。憚光弼之令。與諸將頗有異議。光弼出次汜水縣。用濟單騎來謁。卽斬於轅門。諸將攝伏。會滑汴節度使許叔冀因戰不利降賊。思明乘勝西轡。光弼乃敦陣徐行。趨東京。謂其留守韋陟曰。賊新勝。難與爭鋒。須誦之以計。然軍無見糧。危徧難守。公計安出。陟曰。益陝兵公保潼關。可以持久。光弼曰。兩軍相敵。寸地必爭。今委五百里而守關。賊得地。勢益張。不如移軍河陽。北阻澤潞。勝則出。敗則守。表裏相應。賊不得西。此發臂勢也。夫辨朝廷之禮。我不如公。論軍旅勝負。公不如我。陟不能答。判官韋損曰。東都帝宅。公當守。光弼

曰。汜水粵嶺。盡爲賊踞。子能盡守乎。遂檄河南。縱官吏避賊。閉無留人。思明至偃師。光弼悉軍趨河陽。身以五百騎殿。賊游騎至石橋。諸將曰。並城而北乎。當石橋進乎。光弼曰。當石橋進。甲士夜持炬徐引。部曲重堅。賊不敢逼。已入三城。衆二萬。軍纔十日糧。與士伍均少。棄甘。賊使驍將劉龍仙以騎五十挑戰。加右足馬鬣上。嬖罵光弼。光弼顧諸將曰。孰能取是。左右以白。孝德對。光弼召問所須。幾兵。對曰。願出五十騎。見可而進。大軍鼓譟。以張吾氣足矣。光弼撫其臂遣之。孝德擁二矛。策馬絕河。半濟。龍仙見而易之。將至。若引避。然孝德振手止之。曰。侍中使致辭。無他也。因與語。久之。瞋目曰。賊誡我乎。我白。孝德也。乃躍馬前搏。城上因大譟。五十騎繼進。龍仙環隄而走。孝德追斬其首。以還。光弼因與戰。中潭西大破之。初。光弼謂李抱玉曰。將軍能爲我守南城二日乎。抱玉曰。過期若何。曰。棄之。抱玉許諾。即給賊曰。吾糧盡。明白當降。賊喜。歛兵待期。抱玉已繕完。即請戰。賊忿。欺已急攻南城。抱玉出奇兵夾擊之。俘獲過當。賊帥周摯引却。時光弼自將治中潭。樹壁掘塹。擊捨南城。攻中潭。併兵從光弼。光弼使荔非元禮守羊馬城。植小旗城東北隅。望摯軍。摯恃衆直逼城。以車千乘。載木鷲撞車。麾兵填塹。八道並進。光弼諭元禮曰。中丞視賊過兵不顧。何也。報曰。公欲守邪。戰歟。光弼曰。戰。曰。方戰。賊爲我實塹。復何怪。光弼曰。吾慮不及此。公勉之。元禮遂出戰。摯軍小却。元禮以敵堅。未可馳。還軍示弱。以怠其意。光弼怒。使召元禮。元禮答曰。方戰不及往。請破賊以見。因休柵中。良久。顧廳下曰。向公來召。殆欲斬我。鬪死有名。無庸受戮。乃下馬持刀。瞋目直前。銳士堵而進。左右奮擊。一當數人。斬賊數百首。摯遁去。摯收兵復振。與安太清合衆三萬。復攻北城。光弼歛軍入登陴。望曰。彼軍雖銳。然方陣而鬪。不足虞也。日中當破。乃出戰。及期未決。召諸將曰。彼強而可破者亂也。今以亂擊亂。宜無功。因問賊陣。何所最堅。曰。西北隅。召郝廷玉曰。爲我以麾下破之。曰。廷玉所將步卒。請騎五百。與之三百。復問其次。曰。東南隅。召論惟貞。辭曰。蕃將也。不知步戰。請鐵騎三百。與之二百。乃出賜馬四十。分給廷玉等。光弼執大旗曰。望吾旗。麾若緩。可觀便宜。若三麾至地。諸軍畢入生死以之。退者斬。旣而馮揆望廷玉軍。不能前趨。

左右取其首來。廷玉曰：馬中矢，非却也。乃命易他馬。有裨將援矛刺賊，洞馬腹。中數人，又有迎賊不戰而却者。光弼召援矛者，賜絹五百疋。不戰者，斬。光弼麾旗三，諸軍爭奮，賊衆奔敗，斬首萬餘級，俘八千餘人。馬二千，軍資器械以億計。擒周擊、徐瑣、玉、李秦授。惟太清挺身走。思明未知，猶攻南城。光弼驅所俘示之，思明乃懼。始，光弼將戰，內刀于鞞，曰：戰危事，吾位三公，不可辱于賊。萬一不捷，當自刎以謝天子。及是，西向拜舞，三軍感動。太清既走，復襲懷州，守之。上元元年，加光弼太尉，進圍懷州。思明來救，光弼再戰，逐北。思明見兵清河，聲渡河絕餉路。光弼壁野水渡。既夕，潛還軍。唯留牙將雍希顥守。曰：賊將高暉、李日越，萬人敵也。賊必使來劫我。若至，勿與戰。若降，與偕來。左右怪其語不倫。是日，思明果召李日越，曰：光弼野次，爾以鐵騎五百夜取之，不然無歸。日越至，疊知太尉已去，兵無幾。將是雍希顥，果謂其下曰：我受命云何。今顧獲希顥，歸必死矣。遂降。希顥與俱至。光弼厚禮日越，即上表授特進，兼右金吾大將軍。高暉聞知，亦降。或以問光弼，光弼曰：思明再敗，恨不得野戰。聞我野次，彼固易之。命將來襲，必許以死。希顥無名，不足以爲功。日越懼死，不降，何待。高暉材出日越之右，降者見遇，貳者得，不思奮乎。諸軍決丹水灌懷州。未下。光弼令廷玉由地道入，得其軍號，登陴大呼。王師乘城，遂取懷州。禽太清、楊希仲，送之京師。思明乃使諜宣言：賊將士皆北人，皆譎陰，思歸。時魚朝恩爲監軍，信之。屢上賊可滅狀。僕固懷恩、媚光弼，功亦陰佐朝恩。帝乃使使者來督戰。好皇帝，光弼不得已，令李抱玉守河陽，出師次北邙。光弼使傅山陲，懷恩不聽。於是賊據高原，發伏兵，官軍大潰。懷州復陷。光弼請罪，帝以懷恩違令覆軍，優詔光弼入朝，徙鎮泗州。史朝義乘邙山之捷，進略申光等十三州。光弼復興疾就道，疾驅入徐州。時朝義圍李峯于宋州。光弼使田神功擊走之。初，神功平劉展，逗留淮南，尙衡、殷仲卿相攻，兗、鄆間來瑱擅襄陽。及光弼至屯，朝義走。神功遷河南，瑒、衡、仲卿踵入朝。其爲諸將憚服如此。寶應元年，進封臨淮郡王。初，相州北邙之敗，朝恩羞其策，深忌光弼。而程元振尤疾之。二人用事，光弼不免懷懼。及來瑒爲元振讒死，光弼愈懼。會吐蕃寇京師，代宗詔入援。光弼畏禍，遷延不敢行。二年。

光弼因此遂病。至篤。將吏問後事。光弼曰。吾淹軍中。不得就養。爲不孝子。尙何言哉。取所餘絹布。分遺部將。薨年五十七。光弼用兵。謀定而後戰。能以少覆衆。治師訓整。軍中指顧。諸將不敢仰視。初與子儀齊名。世稱李郭。而戰功推爲中興第一。其代子儀朔方也。營壘士卒。靡幟無所更。而光弼一號令之。氣色乃益精明云。後吐蕃犯京畿。郝廷玉與馬磷屯中渭橋。魚朝恩聞其善布陣。請觀之。廷玉申號令。鳴鼓角。部伍坐作。進退若一。朝恩歎曰。吾處兵間久。今始識訓練法。廷玉惻然曰。此臨淮王遺法也。王善御軍。賞當功。罰適過。每校旗。不如令者。輒斬。由是人皆自効。而赴蹈馳突。心破膽裂。自臨淮歿。無復校旗事。此安足賞哉。

張巡 許遠

張巡。字巡。南陽人。開元末。擢進士第。安祿山反。譙郡太守楊萬石逼巡爲長史。使西迎賊。巡不應。而率吏哭。玄宗皇帝祠。共起兵討賊。至雍丘。時雍丘令令狐潮舉縣附賊。仍自將東敗淮陽兵。虜其衆。反接在廷。將殺之。適潮暫出行。部未返。淮陽囚更解縛。起殺守者。而迎巡入城。以拒潮。巡乃屠潮妻子。磔城上。潮聞之大怒。以賊衆四萬薄城。巡謂諸將曰。賊知城中虛實。有輕我心。今出不意。可驚而潰也。乃分千人乘城。而自前驅數隊以出。直薄潮軍。軍乃却。明日賊復攻城。設百樓。巡柵城上。東芻灌膏以焚之。賊不敢向。積六旬。大小數百戰。潮乃敗走。潮素與巡有舊。復率衆至城下。以情語巡。巡曰。君平生以忠義自許。今日之事。忠義何在。潮慚而退。圍守復四十餘日。朝廷聲聞不通。潮聞玄宗已走蜀。復以書招巡。有大將六人白巡曰。今勢既不敵。且主上存亡未可知。不如降。六人者皆官開府特進。巡陽許之。明日設天子畫像。率軍士朝。諭以大義。人盡感泣。巡乃引六將至。責而斬之。會糧乏。潮餉賊鹽米數百艘。且至。巡夜壁城南。潮悉軍來拒。巡遣勇士銜枚濱河。取鹽米千斛。焚其餘。而還。城中矢盡。巡縛藁爲人。披黑衣。夜縋城下。潮兵爭射之。得箭數十萬。其後復夜縋人。賊不設備。乃以死士五百斫潮營。焚壘幕。追

奔十餘里。賊慚益兵來圍。巡使郎將雷萬春於城上與賊潮相聞。賊弩射之。面中六矢而不動。潮乃大驚。遙謂巡曰。向見雷將軍。方知足下軍令矣。然其如天道何哉。巡曰。君未識人倫。焉知天道。未幾薪水竭。巡給潮。欲引軍走。請退軍二舍。使我逸。潮許之。遂空城四出三十里。撤屋發木而還。爲備。潮怒。圍復合。巡徐請潮曰。君須此城。歸馬三十四。我得馬。且出奔。請君取城以藉口。潮歸馬。巡悉以給驍將。約曰。賊至。人取一將。明日潮責巡。答曰。吾欲去。將士不從。奈何。潮怒。欲戰。陣未成。三十騎突出。禽將十四。斬首百餘級。收其器械牛馬。潮遁還陳留。不復出。圍凡四月。賊嘗數萬。而巡衆纔千餘。凡戰卽克。於是河南節度使嗣虢王巨屯彭城。假巡先鋒。俄而魯東平陷于賊。濟陰太守高承義舉郡叛。巨引兵東走臨淮。賊將楊朝宗謀趨寧陵。絕巡餉路。巡外失巨。依拔衆保寧陵。馬纔三百兵三千。於是乃至睢陽。與太守許遠。城父令姚闡等合。而遣雷萬春。南霽雲等領兵戰寧陵。北斬賊將二十。殺萬餘人。投尸於汴。朝宗引去。至德二載。祿山死。慶緒遣尹子琦將同羅突厥奚勁兵。凡十餘萬。攻睢陽。巡厲士固守。日中二十戰。巡欲射子琦。而不識。因剡蒿爲弧矢。中者謂巡矢盡。走。白子琦。巡乃使霽雲射之一發。中子琦左目。子琦乃退還。七月復圍城。城中食盡。士食賦米一勺。斲木皮嚙紙而食。才千餘人。皆瘠傷氣乏。巡出愛妾曰。諸君經年乏食。而忠義不少衰。吾恨不割肌以啖衆。寧惜一妾而坐視士饑。此處醜甚可厭甚好名甚乃殺以饗。坐者皆泣。巡強令食之。遠亦殺奴僮以哺卒。脚步至羅雀掘鼠。煮鐵弩以食。御史大夫賀蘭進明代巨節度。屯臨淮。許叔冀尙衝次於彭城。皆觀望莫肯救。巡使霽雲如叔冀。請師不應。巡復遣如臨淮告急。引精騎三十冒圍出。賊將萬人遮之。霽雲左右射皆披靡。旣見進明。進明持兩端不肯出師。又愛霽雲欲留之。爲大饗。樂作。霽雲泣曰。昨出睢陽時。士不粒食已彌月矣。今大夫兵不出。而廣設聲樂。義不忍獨享。今主將之命不達。霽雲請置一指以示信。歸報中丞也。真男子可敬可念因拔佩刀斷指。一坐皆驚。爲出涕。卒不食去。抽矢回射佛寺浮圖。矢著輒。曰。吾破賊還。必滅賀蘭氏。此矢所以志也。賊知外援絕。圍益急。衆議東奔。巡遠議以睢陽江淮之保障也。爾魯公會葉平原矣若棄之。

賊乘勝而南。江淮必亡。且師飢。衆行必不達。十月癸丑。賊登城。士病不能戰。巡西向拜曰。孤城備竭。弗能全。臣生不能報陛下。死當爲厲鬼以殺賊。胡說甚城遂陷。與遠俱執。巡衆見之。起且哭。巡曰。安之勿怖。死乃命也。衆不能仰視。子琦謂巡曰。聞公督戰大呼。輒背裂血面。嚼齒皆碎。自是鋼腸鐵骨。何至是。曰。吾欲氣吞逆賊耳。子琦怒。以刀抉其口。子琦又以刃脇降霽雲。霽雲未應。巡呼曰。南八男兒死爾。不可爲不義屈。真烈士霽雲笑曰。欲將有爲也。公知我者。敢不死。乃與姚閻雷萬春等三十六人俱遇害。巡年四十九。初子琦議生致一人慶緒所。乃送遠洛陽。至偃師。亦以不屈死。巨之走臨淮。巡有姊嫁陸氏。遮王勸勿行。不納。賜百緡弗受。爲巡補縫行間。軍中號陸家姑。此姑可與聶姊同傳。先巡被害。巡長七尺。鬚髯每怒盡張。讀書不過三復。終身不忘。爲文章不立稿。守睢陽。士卒居人。一見問姓名。其後無不識。更潮及子琦大小四百戰。斬將二百。卒十餘萬。其用兵未嘗依古法。勒大將。教戰。各出其意。或問之。答曰。古者人情敦樸。故軍有左右前後。大將居中。三軍望之以齊進退。今胡人務馳突。雲合鳥散。變態百出。故吾止使兵識將意。將識士情。上下相習。人自爲戰耳。其械甲。取之於敵。未嘗自修製。戰必親臨行陣。有退者。巡已立其所。謂曰。我不去。此爲我決戰。哀哉士感其誠。皆一當百。待人無所疑。賞罰信。雖斯養。必整衣見之。下爭致死力。故能以少擊衆。未嘗敗。被圍久。初殺馬食。旣盡。而及婦人老弱。凡食三萬口。真不成話人知將死。而莫有畔者。城破。遺民止四百。不成話始肅宗詔中書郎張鎬代進明節度河南。率浙東李希言。浙西司空襲禮。淮南高適。青州鄧景山。四節度犄角。同救睢陽。巡亡三日。而鎬至。十日而廣平王收東京。議者或謂巡始守睢陽。衆六萬。旣糧盡。不持滿按隊出再生之路。與夫食人。寧若全人。大是獨張澹。張建封。朱巨川。李翰。謂巡蔽遮江淮。阻賊勢。天下不亡。其功也。翰等皆有名士。由是天下無異言。天子下詔。褒贈巡。遠及霽雲等。並寵其子孫。立廟睢陽。歲時致祭。德宗差次至德以來。將相功効尤著者。以顏杲卿。袁履謙。盧弈。及巡。遠。霽雲爲上。自是訖僖宗。求忠臣。後無不及三人者。大中時。圖巡遠霽雲像于凌烟閣。睢陽至今祠享。號雙忠廟。云許遠者。右相敬宗曾孫。祿山反。或